

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

CXLVI.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

rino & aliis docere audio. Quod si non molestum tibi aut incommodum est, amanter oro, ut vicinarum Ecclesiarum & Academiarum statum mihi exponas. Nostra Schola post tristem pestili lue & bello factam dissipationem, mediocriter refovit. Mitterem libellos recens editos, ut vestros vicissim elicerem: Collegæ mei Methodos, in quibus de Ascensione Domini etiam, & omnipræsencia Christi confessionem suam exponit: Explicationem Malachiaë Prophetæ: Epistolæ ad Romanos &c. Sed viatorem peditem onerare non licuit. Adjunxi tamen literis pagellas aliquot, quarum perillustrationem tibi non ingratoram fore spero. Bene & feliciter vale, & salutem reverenter meis verbis dicito Clarissimis viris, D. D. Ludovico Grempio, D. Johanni Flinnero, D. Valentino Erythæo, & si qui adhuc alii isthic sunt, quos inimicorum meorum acerbissimæ criminationes à me non alienarunt. Datum Calendis Junii, Anno 1568.

David Chytræus.

CXLVI

S. in Christo. Reverende vir, & in Domino

pater colende & frater charissime.

AD literas tuas medio Aprili datas, de improbitate & negligentia Pancratii, fratres mei & ego circa medium Majum unis literis respondimus: quas D. Graffecio Secretario, ut Argentinam curaret, dedimus. Is se illas jurato Ducalis Curiaë tabellario, Mompelgartum eunti, commississe affirmat; quibus adjunctæ etiam fuerint M. Balthasaris literæ ad Dominum Ilyricum. Quod autem responsum interea nullum accepimus, miramur, quæ fiat. Scripseramus, ut Pancratium confestim post acceptas nostras literas ad nos ablegares, & catalogum omnium debitorum, quæ collegio, quæ tibi, quæ mercatoribus & opificibus, ac universim omnibus creditoribus deberet, vel per ipsummet Panc. vel si ei minus fideres, per alium certum nuncium ad nos mitteres. Sed nec venit ipse, nec literæ abs te vel ipso veniunt. Et jam annus propediem circumagitur, posteaquam Argentinam venit. Itaque tempus flagitat, ut se tandem nobis sistat. Et pater ejus hæreditatem dividere decrevit, cui divisioni necesse erit ipsum adesse. Jubebis igitur & mandabis, ut cum Mercatoribus nostris, (quorum vectura etiam sarcinulas suas transportare poterit) ad nos proficiscatur: & per hunc civem Studgardianum, qui tibi has reddet, nobis Catalogum mittes æris alieni, quocunque modo nominè per Pangratium constati. Si spontè indicare noluerit, coges eum minis, vel etiam carcere, ut sigillatim recenscat: ne cum infami ac turpi nota levitatis & perfidiæ à vobis discedat: unde nobis quoque nonnulla labes aspergeretur. Simul etiam scribas quæso, quid nobis de eo

M m

vel

vel sperandum vel desperandum existimes. Neglecta jam occasio est, quam captabamus, ut in his Nundinis pecuniam ad te mitteremus: neque enim quid, vel quibus, vel pro quibus debeat, novimus. Quæ ubi cognoverimus, nihil nobis erit prius, quam ut satisfaciat omnibus, ut iustum est.

Nova apud nos nulla sunt, quæ vos ignorare arbitror. Nam & Galliæ & Belgico propinquiores estis quam nos. Magnam plagam accepit Respubl. nostra ex Ducis Eberardi, p. m. obitu prematuro & improvise. Sed eam nobis facile sanabit aut faciet is, qui infixit: si seniores nostrum principem, Christianissimam herodem, nobis diu superstitem & incolumem conservaverit: & in Duce Ludovico ea, quæ luculenter operari incepit, confirmaverit. Nam in hoc adolescente annum jam agente decimum quintum, non adumbrata sed expressa effigies paternarum, hoc est, omnium summorum virtutum haud obscure cernitur. Consolatur nos Psalmus 112. Generatio rectorum benedicetur, &c. Nedes Domine lætitiâ inimicis nostris, Amen. Bene ac feliciter in Christo vale, frater sincerissime. Uxorem tuam honestissimam, filios dulcissimos, familiam totam, Collegas omnes & Symmistas in Domino salutabis. M. quoque Erythraum, & cum primis D. Illyricum, quem vobis commendo non minus, quam prioribus aliquor literis, ut exosum mundo, dilectum Deo. Iterum vale. Studg. 28. Junii, Ao. 68.

D. Brentius jam non hic est. Sed tamen salvæ etiam ipsius nomine, ut & omnium aliorum Collegarum meorum: qui vobiscum sunt cor unum & anima una.

Tua Reverende Dignitatis

Studiofiss.

Wilh. Bidenbach, D.



CXLVII.

Salutem in Christo Salvatore.

Missus sum à Senatu meo Brunsvigensi ad Academiam Rostochianam, ad petendum publicum doctrinæ testimonium. Atque ipso die, cum habenda esset publica disputatio, significatum mihi est à D. Chytræo, studiosum quendam Argentoratum ad vos profecturum. Licet igitur occupatissimus eram, volui tamen raptim vel unum atque alterum verbum ad te scribere, ut intelligeres, me tui memoriam perpetua benevolentia conservare. Mitto autem tibi propositiones, quas publicè hodie hic disputavi, de controversia illa, in qua illustrandâ Vos bonam & præclaram operam navatis. Unicam autem opellam, mi Marbachi, si molestum non sit, à te peto. Intelle-